



UNIVERSITÄTS-
BIBLIOTHEK
PADERBORN

Universitätsbibliothek Paderborn

Admirandvm vindictae divinae theatrvm

Tympe, Matthäus

Monasterii Westphaliae, 1611

Discordia

[urn:nbn:de:hbz:466:1-51314](https://nbn-resolving.org/urn:nbn:de:hbz:466:1-51314)

tijisset, iubente domino, omnia vestimenta illorum vallantur vndique flamma. Quibus illico cum ingenti clamore profiliantibus, & aquam circa nates ac genitalia loca, vbi camisia illorum acerrimè cremabantur iniicientibus, nec omnino flammam diuinitus missam extinguere valentibus, tandem ad instar porcorum luto volutabri sese pariter inuoluunt, & ibi diu vociferantes, vix ad vltimum pœnam quam merito patiebantur euaserunt. In quibus profecto impletum est hoc quod est in Psalmo; Detrahentem secreto proximo suo hunc persequebar, in tantum vt & illud diuina censura factum non ambigamus, quod detractores isti vehementissime cremabantur in partibus illis vbi libido, de qua calûniabantur virum iustum, regnare nõ dubitatur. Nec multo post auctor huius detractiõis Notato in huiusmodi criminibus diffamatus apud Regem, vt scelera eius vna cum vita regalis gladius amputaret, nec nõ & filius eius eidem sententiæ subiaceret.

Psal. 100.

*OB DISCORDIAM DIVINITVS
castigati.*

Petrus Damianus Cardinalis: auctore discordiæ Spiritu peruerso ait, cum presbyter presbyterum probrosis cõtumelijs & maledictis aliquando lacerasset, alter dentibus stridens correpta lancea iter arripuit atq; ad domum suam longius constitutam furibundis properare gressibus cœpit. Sed cum cali-

I.
Lib. 4.
epist. 17.

ligo noctis superuenisset, ecce quinq; nigri equites cum caballis æque nigris obuiant, eius is qui maior videbatur, insultat. Sæpe, inquit, institi, vt in clientelam meorum contubernaliū venires, nunc autem non poteris iugum meæ ditionis euadere. Presbyter nimio terrore perculsus (putans esse nobilem virum nomine Romanum, qui illum sollicitauerat vt sibi subditus fieret) illi manus subditiūm more deosculatus se herili eius fidei commisit. Quem protinus ille percontatus est: Scis quis sim? Respondit Presbyter, nonne es Dominus meus Romanus? At ille, abiit. Ego sum quidam diabolus, cui tu commissus es, vide vt stes promissis. Quo dicto disparuit. Hic autem pertimescens ad domum redijt, Episcopum Teuzonem ad se & me præsentem pœnitentiam flagitauit. Dignitas officij sacerdotalis illi adempta, in carceri cum spe veniæ adipiscendæ donec pœnitentiam adimpleset, inclusus.

2.

Lib. 2.

capum c. 18.

Thomas Cantiprat. Contigit, ait, vt Iacobus de Vitriaco in Brabantia pacificatus mortales inimicitias, iniuriam passum primo suppliciter, deinde prostratus pedibus eius, semel, iterum, & tertio, cum multitudine populi præsentem rogaret, nec proficeret in rebellem. Conuersus autem ad populum dixit palam omnibus. Contestor vos, qui spernit nos, spernit & eum qui mittit nos. Rogate ergo Dominum, vt tale signum

stendat in obstinatum hominem quo cunctis
 presentibus pateat eum hostiliter contra se,
 in retentione odij contra proximum, hoc e-
 gisse. Nec mora, ubi vir sanctus orationem ex-
 pleuit, miser ille euersis oculis tertio in ter-
 ram corruit, oreq; cruorem spumans & sani-
 em maximum horroris spectaculum omni-
 bus præbuit. Tunc flente populo reuerendus
 vir fusa prece prostratum erexit. Qui mox
 integerrime sospitatus, ubi ante se inimicum
 vidit quasi aliquid amicissimum rogaturus
 cum lacrymis veniam petiuit, ruensq; in oscu-
 la eius ad lacrymas & laudem Christi omni-
 um corda commouit.

*EX EBRIETATE MALE
 pereuntes.*

SAMPSON repletus vino per meretricem
 hostibus traditus est. Holopherni, quia
 plus quam vnquam alias biberat, caput à lu-
 dith resectum est. Diues epulo ob excessum
 in potu ne guttulam quidem aquæ post hanc
 vitam inquit Chrysofostomus habere meruit.
 Filij Iob dum vinum bibunt ruina domus (à
 dæmone) oppressi sunt. Loth quem Sodoma
 non vicit vino inebriatus geminum commisit
 incestum.

I.
 Iud. 16.
 Iudith 11.
 Luc. 16.
 Ammon
 ebrius in
 conuiuio
 periit.
 2. Reg. 13.
 Iob 1.
 Gen. 19.

S. Aug (vel quisquis est auctor sermonū ad
 fratres in eremo) pro cōcione dixit. Accidit
 hodie terribilis casus, vt omnes audistis, ppter
 quem

6.